



Çka është e dhënë personale ?

Çdo informacion në lidhje me një person fizik të identifikuar ose të identifikueshëm.

Person i identifikueshëm është personi i cili mund të identifikohet në mënyrë të drejtpërdrejtë ose të tërthortë, në veçanti në bazë të një numri të identifikimit ose të një e më shumë faktorëve të veçantë për identitetin e tij ose saj fizik, psikologjik, mendor, ekonomik, kulturor ose shoqëror.

Elemente të të dhënave personale mund të jenë:

- Emri, mbiemri, atësia, mëmësia, datë lindja, vendlindja, vendbanimi, adresa, arsimit, profesioni, titulli shkencor, kombësia, shtetësia, gjendja civile
- Numri identifikues (numri i letërnjoftimit, telefonit, pasaportës, patentshoferit, indeksit, administratës tatimore, sigurimit social, sigurimit pensional etj).
- Informacionet për llogarinë bankare, policat e sigurimit, kontributet pensionale
- Regjistrimet tek mjeku, në hotel, në aeroport, biblioteka, në aktet gjyqësore, të policisë, në telefonin fiks dhe mobil
- Referenca për individët në dokumente, internet rrjete sociale, mesazhe me e-mail, sms, mms etj.

Të dhëna personale të ndjeshme

- Origjina etnike ose racore, pikëpamjet politike ose filozofike, përkatësitë fetare, anëtarësimin në sindikatë , gjendja shëndetësore, jeta seksuale, evidencat penale ose të kundërvajtjeve karakteristikat biometrike etj.

Karakteristikat biometrike

- Të gjitha karakteristikat fizike, psikologjike dhe të sjelljes që i kanë të gjithë individët, por që janë të veçanta dhe të përhershme për secilin individ, nëse në veçanti mund të përdoren për identifikimin e një individi siç janë: gjurmët e gishtërinjve, vijat papilare të gishtit, irida, retina, tiparet e fytyrës dhe ADN-ja etj.

Parimet e përpunimit të të dhënave

Të dhënat personale duhet :

- Të përpunohen në mënyrë të paanshme dhe të ligjshme
- Të jenë adekuate , relevante dhe të mos tejkalojnë qëllimin e grumbullimit
- Të grumbullohen vetëm për qëllime të caktuara, të qarta dhe legjitime
- Të jenë të sakta dhe të përditësuara
- Të ruhen për aq kohë sa është e nevojshme për arritjen e qëllimit për të cilin janë grumbulluar.

Fushëveprimi

Ligji zbatohet :

- Për përpunimin e të dhënave personale nga organet publike dhe private.
- Në zyrat diplomatike dhe konsullore si dhe në të gjitha përfaqësitë tjera zyrtare të Republikës së Kosovës jashtë shtetit
- Tek kontrolluesit e të dhënave që nuk janë të themeluar në Republikën e Kosovës por që për qëllim të përpunimit të të dhënave përdor pajisje automatike në Republikës e Kosovës.

Kur mund të përpunohen të dhënat personale?

Të dhënat personale mund të përpunohen vetëm nëse:

- Personi ka dhënë pëlqimin e tij ose saj;
- Për përmbushjen e një kontrate në të cilën personi është palë kontraktuese
- Përpunimi është i domosdoshëm për respektimin e obligimit ligjor të cilit i nënshtrohet kontrolluesi
- Është i domosdoshëm për mbrojtjen e interesave jetike të personit
- Është i domosdoshëm për kryerjen e një detyre me interes publik ose në ushtrimin e autoritetit zyrtar që i është dhënë kontrolluesit apo një pale të tretë të cilës i zbulohen të dhënat
- Është i domosdoshëm për qëllime të interesave legjitime të ushtruara nga kontrolluesi ose pala e tretë apo palëve të cilave u janë zbuluar të dhënat, me përjashtim të rasteve kur interesat e tilla janë në kundërshtim me të drejtat dhe liritë themelore të subjektit të të dhënave.

Si mbrohen të dhënat personale të ndjeshme ?

- Të dhënat personale të ndjeshme duhet të mbrohen në mënyrë të veçantë dhe të klasifikohen me qëllim të parandalimit të qasjes dhe përdorimit të paautorizuar
- Kur të dhënat personale të ndjeshme transferohen përmes rrjeteve të telekomunikimit konsiderohen si të mbrojtura në mënyrë të përshtatshme, nëse ato janë të koduara për të siguruar palexshmërinë dhe mosnjohjen e tyre.

Sistemi i Dosjeve

Kontrolluesi i të dhënave (organi publik ose privat) duhet të krijojë për secilin sistem të dosjeve një përshkrim të detajuar i quajtur katalogu i sistemit të dosjeve e që përmban të dhëna të parapara në ligj.

Së paku njëzet (20) ditë para krijimit të një sistemi të regjistrimit të regjistrimit të reja të të dhënave personale, kontrolluesi i të dhënave i ofron Agjencisë, në formë të shkruar apo me mjete elektronike informacionet e kërkuara në këtë ligj.

Pas pranimit të njoftimit, Agjencia kontrollon nëse operacioni i përpunimit mund të paraqesë rrezik të veçantë për të drejtat dhe liritë e subjektit të të dhënave për shkak të natyrës së të dhënave personale që përpunohen dhe fushëveprimit ose qëllimit të përpunimit të të dhënave.

Agjencia themelon dhe e mbajë një regjistër të sistemit të dosjeve.

Ndërlidhja e Sistemeve të Dosjeve

Kontrolluesi ose kontrolluesit e të dhënave që synojnë të ndërlidhin dy ose më shumë sisteme të dosjeve që mbahen për qëllime të ndryshme duhet përpara se ta bëjnë këtë ta njoftojnë me shkrim Agjencinë

Agjencia mund të autorizojë me vendim, ndërlidhjen e sistemeve të dosjeve nëse përcakton se kontrolluesi i të dhënave siguron nivel të duhur të mbrojtjes së të dhënave

Transferimi i të dhënave personale

Transferimi të dhënave personale të cilat janë përpunuar ose ato që do të përpunohen në vende të tjera dhe tek organizatat ndërkombëtare, mund të bëhet vetëm nëse organizata ndërkombëtare në fjalë sigurojnë nivel të duhur të mbrojtjes së të dhënave.

Agjencia krijon një listë të vendeve dhe të organizatave ndërkombëtare për të cilat ajo konstaton se ato sigurojnë nivel të duhur të mbrojtjes së të dhënave.

Në rastet kur kërkohet të bëhet transferimi i të dhënave në vendet dhe të organizatat ndërkombëtare që nuk janë në listë Agjencia mund të autorizoj këtë transferim. Agjencia bënë regjistrimin e të gjitha autorizimeve.

Përdorimi i karakteristikave biometrike

Karakteristikat biometrike, mund të përdoren vetëm nëse domosdoshmërisht kërkohet për sigurinë e njerëzve, sigurimin e pronës ose mbrojtjen e të dhënave konfidenciale dhe sekreteve të institucionit, nëse kjo nuk mund të arrihet me mjete më të lehta.

Kontrolluesit e të dhënave mund të zbatojnë masat për përdorimin e karakteristikave biometrike, pas marrjes së autorizimit nga Agjencia.

Marketingu i Drejtpërdrejt

Kontrolluesit e të dhënave mund të përdorin të dhënat personale për qëllime të ofrimit të mallrave, shërbimeve, punësimit ose kryerjes së përkohshme të punës përmes përdorimit të shërbimeve postare, thirrjeve telefonike, postës elektronike ose mënyrave tjera të telekomunikimit vetëm nëse subjekti i të dhënave ka dhënë paraprakisht pëlqimin.

Adresa: Lagja Pejton, Rr. "Pashko Vasa", Nr.4 Prishtinë, 10000
Republika e Kosovës

Vëzhgimi me Kamerë

Organet në sektorin publik ose privat që kanë për qëllim të instalojnë sistemet e vëzhgimit me kamerë duhet të vendosin njoftimin për këtë vëzhgim.

Sistemi i vëzhgimit me kamerë dhe regjistrimet e vëzhgimit duhet të mbrohen në mënyrë të duhur nga qasja dhe përdorimi i paautorizuar.

Regjistrimet mund të ruhen deri në gjashtë (6) muaj përveç nëse nuk kërkohet ndryshe për qëllime legjitime.

Regjistrimet e hyrjes dhe daljes te ndërtesat

Organet e e sektorit publik dhe privat për arsye të mbrojtjes së sigurisë së njerëzve dhe sigurimit të pronës mund të kërkojnë nga personat që hyjnë ose dalin nga ndërtesat vetëm këto të dhëna personale: emrin(at) personal, numrin dhe llojin e dokumentit të identifikimit, adresën e përhershme ose të përkohshme, datën dhe kohën si dhe arsyen për hyrje në ndërtesë.

Librat Publikë dhe Mbrojtja e të Dhënave

Të dhënat personale nga librat publikë të rregulluara me ligjin përkatës mund të përdoren vetëm në pajtim me qëllimin për të cilin janë grumbulluar ose janë përpunuar, nëse qëllimi ligjor për grumbullimin ose përpunimin e tyre është përcaktuar ose është i përcaktueshëm.